

ISTRUZIONE  
RICERCAFORMAZIONE  
LAVOROECONOMIA  
IMPRESEFAMIGLIA  
CASASALUTE  
SOCIALECULTURA  
SPORTFONDI EUROPEI  
FVG INTERNAZIONALEAMBIENTE  
TERRITORIOINFRASTRUTTURE  
LAVORI PUBBLICI

presidente

giunta

consiglio

ente

amministrazione  
trasparente

organigramma

bilancio

programmazione

statistica

agenda digitale

open data

tributi

enti, agenzie e società  
regionalicollaborazioni e  
consulenze

autonomie locali

- sistema delle autonomie locali
- consiglio delle autonomie locali
- polizia locale e sicurezza

cerca

- persone/uffici
- leggi
- bollettino ufficiale
- delibere
- decreti
- concorsi
- bandi e avvisi
- appalti e lavori
- dati ambientali e territoriali
- conti pubblici territoriali

filo diretto con i cittadini

 richieste reclami  
segnalazioni  
proposte  
petizioni

avvisami

 ufficio relazioni  
con il pubblico

newsletter

 servizi on line ai  
cittadini
tutti i servizi comunali,  
regionali e nazionali a  
portata di click

## Gnovis

sei in: [home](#) > [notizie dalla Giunta](#) > **gnovis****19.03.15**

### SERVIZI CIVIL: CUATRI PUESCJ IN FILOLOGJICHE FURLANE

Udin, ai 19 di Març - Za di cualchi an la Societât Filologjiche Furlane e da la oportunitât ai zovins di podê fâ un an di esperience e formazion cui progjets di Servizi Civil Nazionâl. Pal 2015 al è puest par 4 volontaris dentri dai progjets Comunica la lingua e la cultura friulana e La biblioteca dei friulani. Partecipant al progjet di comunicazion, il volontari al impararà elements di gjornalism e di organizazion, di gjestion e soluzion dai problemis leâts al mont de comunicazion, di lavôr di squadre; al cognosarà ancje il sisteme dai mieçs di comunicazion regjonâl, lis comunitâts lenghisticis e l'üs de lenghe furlane scrite e orâl. Cui progjet di biblioteche, invezeit, si vül incrijî il servizi al public de Biblioteche de Societât Filologjiche Furlane a traviers des cognossincis catalogafichis, bibliografichis e relazionâls che a judin il volontari a voidâ al miôr l'utent viers i imprescj e i percors di ricerce plui adats. Il servizi, che al sarà di fâ te sede de Filologjiche in vie Manin 18 a Udin, al durarà 12 mës. A puedin partecipâ ae selezion i citadins europeans, cence distinzion di gjenar che, ae date di presentazion de domande, a vedin 18 agns finits e no plui di 28. Dongje di chescj criteris, par partecipâ ae selezion in Filologjiche, si domande la iscrizion a une laurea trienâl o specialistiche, la cognossince di une o plui lenghis europeans, la cognossince di fonde dai imprescj informatics e buinis capacitâts di comunicazion. Ancje savê il furlan al sarà tignût in considerazion particolâr. La domande, insieme cu la fotocopia di un document di identitât e di une schede dulâ declarâ i titui culturâi, si à di presentâ ae Societât Filologjiche Furlane, vie Manin 18 – 33100 Udin dentri des 14.00 dai 16 di Avril. Lis domandis a puedin rivâ a man, cun racomandade A/R o par pueste eletroniche certificade ae direzion [sff@pec.filologicafriulana.it](mailto:sff@pec.filologicafriulana.it) ARC/EP

**17.03.15**

### FIESTE DE PATRIE: TORRENTI, LA LEÇ E JUDARÀ A SUPERÀ LIS DIVISIONS



Udin, ai 17 di Març - La Zonte regjonâl e je a pro de leç che e vül istituì cun uficialitât la "Fieste de patrie dal Friûl". Lu a declarât in Aule l'assessor regjonâl ae Culture Gianni Torrenti daspò lis replichis dai relatòrs di minorance vie pal esam de propueste di leç firmade di Zilli (LN), Piccin, (GM) e Violino. "Lis divisions di cjampañili a esistin ancje cence cheste leç e anzit forsît chest test al podarà judâ a superâlis, puartant plui cussience de nestre storie e des nestrîs tradizions. No si à di dâ cuintri ai Comuns furlans parcè che a cognossin e a tegnî di cont lis lôr origjinis, ma lavorâ di plui dulâ che cheste cognossince e je plui carente", al à dit Torrenti, sigurant ancje che lis risorsis no saran masse onerosis pal belanç regjonâl. "Ae fin - al à concludût l'assessor - no si propon nuie di gnûf, dome di dâ onôr a une zornade di fieste za esistente, fasint in mût che e deventi patrimoni di dute la regjon e no dome di une part di jê".

ARC/EP

**13.03.15**

### SPORTEI: DEROGHE AES PROVINCIIS

Udin, ai 13 di Març - La Zonte regjonâl e à concedût aes Provinciis une deroghe ai vincui par ridusi la spese, su propueste dal assessor aes Autonomiis locâls Paolo Panontin. Al sarà cussì pussibil rinovâ i contrats a timp determinât dai sporteliscj pe tutele dal furlan, sloven e todesc. In spiete dal superament des Provinciis, la Finanziarie regjonâl e à stabilît di aplicâ la discipline statâl, cu la pussibilitât di introdusi deroghis su la fonde di domandis motivadis, tant che par esempi chê di dâ continuitât a un servizi che al permet ai citadins di esprimisî in une des lenghis tuteladis. ARC/EP

**12.03.15**


### ARLEF: PROGJET INTERREG PE COOPERAZION E LENGHIS MINORITARIIS

Udin, ai 12 di Març - La ARLeF, in sinergie cu la Accademia Europea di Bolzan (EURAC), pe prime volte e je partner di un progjet Interreg IV Italia-Austria "ID-Coop". "Identitât e cooperativism in teritoris di insediament di minorancis storichis e linguisticis" al è il non dal progjet che al à tant che obietif chel di promovî une union inovative jenfri cooperativism e minorancis par miôrâ la competitivitât dai teritoris. Il progjet, inviât tal Otubar dal 2012 (An internazionâl des cooperativis), al varâ il so moment public conclusif ai 16 e 17 di Març, a Bolzan. Par mieç de realizazion di progjets pilote in cooperativis gnovis o che a jerin za operativis, cuntun budget complessif di 596 mil euros, il progjet al veve il fin di verificâ se lis minorancis a puedin doprâ il spirt di cooperazion tant che risorse economiche e/o culturâl, cjapant la ispirazion di gnovis formis di imprese sociâl di sucès. A cjâf de file EURAC che e à lavorât cu la colaborazion di trê partner principâi in plui de ARLeF: il Comun di Monfalcon, la Union economiche slovene de Carinzie e la Provincie di Belun. Pe part regjonâl, il bant publicât de ARLeF al è stât vinçût de cooperative "Informazione Friulana", editore di Onde Furlane, che e à presentât une propueste progjetuâl inovative une vore preseade. La cooperative e à regjistraw un prin episodi dimostratif di reportage radiofonic tal teritori dal comun di Drenchie, sielt par motifs storics, linguisticis, turistics e enogastronomicis. Il demo al è stât realizât par furlan e par sloven, stiçant ancje l'interes di cualchi radio a difusion taliane, par vie de buine cualitât de ideazion e de produzion. La prime "difusion" publice e vignarâ fate propit te ocasion dai doi dis EURAC di Bolzan. ARC/EP

**04.03.15**

### PORDENON: OMAÇ A GIACOMINI E GNOVE EDIZION PES SÔS POESIIS

Udin, ai 4 di Març - Te Zornade mondiâl de poesie, Pordenon e ricuarde un dai grancj poetis furlans, Amedeo Giacomini. Sabide ai 21 di Març, aes 20.45, il "Spazio Due" dal Teatri Verdi di Pordenon al ospite un dopli omaç al poete di " Presumût unviâr - Avvertimento dell'inverno", cu la colaborazion di Pordenonelegge.it e



un'unica carta per un veloce accesso a tanti servizi



Banca FriulAdria Crédit Agricole, tant che invii di Pordenonelegge Poesia e scree de "stagion pasoliniane". La racuelte di viers in lenghe furlane e je metafore dai timps di vuè e dal propri timp passât e vignarà interpretade par cure dal atôr Stefano Rizzardi e dal compositôr e musicist Renato Miani. Te ocasion la Fondazion Pordenonelegge.it e fâs savè che e je providode une riedizion speciâl di "Presumût unviâr", curade da Legas Publishing (New York) te version trilingâl - furlan, talian, inglês: "Il looks like winter - presunto inverno". ARC/EP

**27.02.15**

## ZORNADE FURLANE DAI DIRITS: SU ONDE FURLANE APROFONDIMENTS NON STOP



Udin, ai 27 di Fevrâr – Vuè si celebre la Zornade furlane dai dirits, che e cole proprit tal inovâl de Joibe Grasse dal 1511, il riviel popolâr che al sclopà a Udin e si slargjà in dute la Patrie dal Friül. Su Radio Onde furlane si fevelarà vuè di dirits e bataiis dal Friül cunte programazion speciâl des 9 di buinore e vie par dut il di. Aes 13.30 la "radio libare dai furlans" e celebrerà ancje il sò trentesim cuint clomplean e e presenterà il sò gnûf sît e la App. ARC/EP

**25.02.15**

## GURIZE: CONFERENCE SUL PLURILINGUISIM DAL PROF. STEGMANN

Udin, ai 25 di Fevrâr - La Provincie di Gurize e inmanee pai 3 di Març aes 16.30 te sale dal Consei provinciâl la conference dal professôr Tilbert Stegmann de Universitât di Francfurt dal titul La impuartance dal plurilinguism pe convivenza in Europe par presentâ dal sisteme EuroCom pal apprendiment des lenghis. L'obietif dal sisteme Eurocom, "dai siet tamês" al è chel di prudelâ il plurilinguism in Europe concentrantsi su lis competencis linguistichis ricetivis. ARC/EP

**24.02.15**

## CARTON ANIMÂT: "ÂF BLU", PRIME STORIE DUTE FATE IN FVJ



Udin, ai 24 di Fevrâr – "Une zornade impuartante pe politiche linguistiche". Cussi la à definide il president de ARLeF Lorenzo Fabbro dutun cu la assessore regjonâl ae Istruzion Loredana Panariti, presentant il progjet "Âf Blu", carton animât che, pe prime volte te storie des realizzacions editoriâls in lenghe furlane dedicadis ai fruts, al è dal dut ideât, scrit, musicât, interpretât, disegnat e animât di professioniscj furlans. Produt dal CTA (CentroTeatro Animazione e Figure) di Gurize, in grazie dal finanziament de ARLeF, il progjet (inviât dal 2011) al nas e si svilupe in maniere dal dut gnove e autonome rispjet a ce che al è stât realizât fin cumò di produtôrs tierçs. Ideât e realizât di Serena Di Blasio (scritture e senegjature), Giulia Spanghero (dissens) e Giorgio Cantoni (animazion), il progjet al à viodût la colaborazion di Michele Polo (traduzion par furlan) e Matteo Sgobino (musicichis originâls), adun cun Nicoletta Oscuro (vôs), Didier Ortolani (musicist), Alessandro Turchet (musicist). La storie e conte lis aventuris di une âf blu, colôr une vore strani par une âf. "La âf blu – e spiege Di Blasio - e nas intun bôc une vore simil a tancj altris, cu lis sôs regulis sociâls e la sô division rigorose dal lavôr. La âf blu, che sul imprin no je buine di fâ nissune vore te comunitât, e stente a cjatâ une sô funzion. E ven tolerade, ma ignorade di chês altris âfs. Par chest une di si fâs cûr fuart e e decit di lassâ la sô cjase e di lâ a cognossi il mont. Il so viaç "iniziatic" le puatarà a cognossi no dome lis tantis creaturis dai prâts (il svuarbecjavai, il çupet, il chebar...), ma ancje (e soregut) se stesse e lis sôs peculiaritâts: jê e je diferente di chês altris âfs e e impararà no dome a preseâ la sô diversitât, ma a "doprâle" tant che imprest positif di integrazion te sô comunitât. Chest al sarà di vantaç no dome pal singul (la âf blu), ma par dut il grup che al rivarà cussi a garantisi di sorevivi. La âf blu, tal ultin, e scuvierç che un trop di avons al vûl atacâ il so bôc. Par salvâ lis sôs sûrs e riscje la vite ma, cuntune buine pensade che e metarà in vore dut ce che e à imparât, adun cun dutis chês atris âfs e rive a parâ vie i avons. La âf blu e vuadagne cussi la stime e il rispjet tal so bôc". La carateristiche peculiâr dal progjet, cun di plui, e je ancje chê di jessi un prodot multimediâl che al à ducj i dirits legâi pal ùs de opare. In prospettive, il svilupviment comerciâl al pues lâ fin ae vendite dal "prodot" carton animât in contescj diferents: de vendite dai dirits di difusion televisive ancje sul marcjât internazionâl cun dopleadure in lenghis diversis, aes aplicacions multimediâls (App par platformis web/tablet/smartphone), a videozûcs didactics o DVD di intratigniment, a diviers gadgets ispirâts dai personaçs. ARC/EP